

度

支

奏

議

度支奏議目錄

新餉司十卷

題覆黃宗伯覈餉條議疏

覆浙江撫按京卿催解錢糧疏

覆楚撫題報援兵支銷銀兩疏

覆浙閩催餉王事張士良羅應許事竣疏

覆中州援兵動支銀項并欲留新餉疏

題報運發薊鎮本折并議委官召買疏

題覆固餉未缺薊餉日增疏

覆朱岡卿催解江右錢糧數目疏

覆昌平侯督治兵馬錢糧疏

覆山西催餉練少卿事竣舉劾疏

覆摠兵王威揭甘肅援兵錢糧疏

覆通鎮范督治轄餉司疏

覆固鎮援兵塩菜月餉規則疏

覆鳳陽衛所屯糧責成該府催解疏

覆代岡寺措祭賞功銀四萬兩疏

覆太僕寺牧地變價徵租疏

題查薊餉節曠抵充正額疏

覆閩省催餉帥少卿舉劾疏

覆邊工犒賞塩糧規則疏

覆薊州餉司何朝宗經手錢糧數目疏

覆陳兵科條議措餉疏

覆薊密軍丁停支塩菜疏

題催南部歸還事例充餉疏

題議運發修築班軍本色并設官料理疏

度支奏議卷之十

太子少保戶部尚書淄青畢自嚴視草

題覆黃宗伯覈餉條議疏

題爲憂

國有心報

恩無力敬抒救時十策以少效涓埃事專理新餉山
東清吏司案呈崇禎三年五月十五日奉本部
送戶科抄出原任禮部右侍郎兼翰林院侍讀
學士今起陞吏部左侍郎黃汝良奏前事等因

崇禎三年五月十四日奉

聖旨治道寬猛張弛法宜互濟若欲課功責實必須
惕玩振竄奏內諸款深得明作要緊雖屬往疏足
煥新猷著部院諸臣共加參詳擇於時事關切的
酌議具覆欽此欽遵抄出到部送司除事隸吏兵
二部者聽吏兵二部查覆外屯田責成見奉

聖諭俟另行條議外所有覈餉之法關切本部時事
相應議覆案呈到部該臣等看得

國家竭四海之物力以供九邊一歲之入止供一

歲之出不謂邇年以來邊警屢告徵調頻繁匱
乏之狀漸不可支實大非趙世卿李汝華在部
之日矣世卿汝華當

祖宗殷富之時清查邊鎮杜塞漏卮況今何時也海宇
之搜括殆盡新兵之愧餉日繁既不能開財之
源於公私交困之時胡可不節財之流於隱冒
虛伍之內繇各邊以推之關寧每月豈無逃亡
事故者乎該營將領果能一一盡報而絕無隱
匿乎既報之後能分釐扣貯

公帑仍充月餉以抵臣部應發之數乎臣未見其
有也禮臣有慨於衷久矣毅然請行稽覈之法
而欲以其權責之按臣及餉司誠屬有見合無
行文各邊按關諸臣及餉司逐月查報卽以空
月名糧抵作臣部應發之數如果着實清查則
各邊以及關寧其所省之餉當不止於數萬也
倘因循不舉則有

朝廷之功令在諒諸臣必不敢避勞怨以自隳其職
業也旣經具題前來相應覆

請恭候

命下戶部行文各該衙門遵奉施行

崇禎三年六月初二日具

題本月初四日奉

聖旨清空糧以充正額亦是濟虛一策著行各邊按
關諸臣及餉司著實舉行歲終類報旨內弛字錯
寫改正行欽此

覆浙江撫按京卿催解錢糧疏

題爲敬遵

欽限恭報起解錢糧事專理新餉山東清吏司案呈
崇禎三年五月二十一日奉本部送戶科抄出
浙江巡按御史李柄題前事等因本年五月十
九日奉

聖旨據報蔣允儀催解錢糧及開銷款數着該部科
磨勘另奏該省漕運稽遲已經漕臣具糾該撫按
官何得泄視還着速完候奪該部知道欽此又該

浙江巡撫陸完學題同前事等因五月二十一

日奉

聖旨已有旨了該部知道欽此案查四月二十二日

蒙

御前發下太僕寺添註少卿蔣允儀題同前事奉

聖旨蔣允儀催解浙省銀兩報如期數到卽查收所

奏知縣王永吉魏士章准與紀錄該部知道欽此

欽遵通抄送到部送司除漕運事宜移付雲南

司遵照轉行督催外其完解錢糧數目相應查

覆奏呈到部該臣等會同科臣玄默叅看得案
冬虜薄

都城士馬雲集本折轉輸無窮新舊太倉如洗仰
荷

聖明洞鑒臣部匱乏

特遣京卿定以嚴限重以責成可謂任之專而望之
迫矣亦不過欲盡數徵解分分着實以救臣部
燃眉之急耳今據浙江撫臣陸完學按臣李柄
鹽臣吳之仁疏報罔卿蔣允儀催解錢糧及開

銷數日前來臣等會同科臣仰遵

明旨細加磨勘及查浙江該新舊餉并鹽課共銀九十五萬四千五百三十六兩九錢又帶催金花料價銀一十四萬一十一兩九錢零以奉

旨定限到彼卽解三分之數應先完三十六萬四千八百五十餘兩然到部查收者如解官梅士程曲冲如實止解過二十萬四千八百一十二兩四錢耳如解官俞大歷等一十六萬二千四百五十三兩零據承差毛一奇雖報已抵河間然

尚未至所當嚴行催督勿聽在途延捱者也復查所開入衛官兵并買運遼米及蠲免下山餉銀共一十五萬八千一百三十七兩七錢在閩卿據藩司之文作分數在撫按卽以此數作銷筭似矣但查浙江養兵錢糧幾四十萬其訓練整棚以待者宜匪一日胡以一入衛而安家衣裝器械等費共動支新餉九萬二千七百四十六兩三錢卽謂行糧一項應出臣部安家衣裝一項兵部近亦諉之臣部而器械等項自是工

部職掌本部似難代爲認也又行糧安家衣裝
臣部近日已經題奉

明旨動支驛遞節省錢糧抵補似當查照遵行而仍
以新餉歸還臣部者也二年買米一項用過六
萬一千四百兩雖在原催欠數之中然舊例年
終銷筭當扣帳於十分全完之內似難遞開於
題催五分之一內至於孝豐縣歲該下山遶餉一
千三百七十六兩屢經臣部行文駁查節據該
省冊開該縣瘠疲難完仍令該府搜括抵補在

案今應問其果以何項抵補而後可議開銷者也臣部豈不知司府措處之艱難撫按卿寺催督之苦楚惟是開寧之缺額旣多援兵之浩費無筭惟望多一分便得一分之實用諸臣誼切同舟當無訝臣部之過求也伏乞

天語申飭凡關遠餉不許輕動務要清楚抵補卽本省應動錢糧俟年終報部銷筭不得混入現催分數舊欠新徵務要如數而止庶軍儲有濟而臣部可免瓶罍交困之耻矣旣經會題前來相

應覆

請恭候

命下臣部移文該撫按并催餉胥卿遵奉施行

崇禎三年六月初三日具

題本月初六日奉

聖旨這報浙省解到及在運錢糧知道了奏內駁查
開銷款項著卽行該撫按并催解官計議作速完
奏毋得延誤欽此

覆楚撫題報援兵支銷銀兩疏

題爲欽奉措餉之

明旨敬陳楚餉之動支仰祈

聖明鑒裁事專理新餉山東清吏司案呈崇禎三年

五月初三日奉本部送恭蒙

御前發下湖廣巡撫洪如鍾題前事等因奉

聖旨這奏楚餉動支銀數知道了除捐助抵補外作
何銷算黔餉可否割還着該部并議具覆欽此欽
遵蒙發到部送司除黔餉割還一半近經責成

催餉京卿唐暉就便帶催其餘會同戶科詳議
另疏題

請外所有援兵支銷銀兩相應具覆案呈到部該臣
等看得三楚雄於江漢帶甲之士夙稱慄悍歷
年來催鋒陷陣足以奪奴之魄而制其命者首
推川湖兵故客歲虜警孔亟大司馬徵甲鄢郢
撫臣洪如鍾忠憤所激倉猝間陸續調發官兵
共四千六百八十六員名買馬一百零八匹而
安家行糧并犒賞銀支散過共十萬五千二百

八兩八錢四分除捐助抵數外實動支銀五萬九千七百四十兩有奇且以寇迫門庭議還餉黔之遼餉從事何敏而應變何速也茲以給過援兵安家行糧犒銀事關錢糧豫以動支之大槩約畧上

聞臣等卽據原疏之款項而覆議之如安家衣裝犒賞馬匹兵部事也應於兵部項下錢糧內開銷盔甲火藥銃弩工部事也應於工部項下錢糧內開銷惟行糧一項係臣部事耳近業已奉不

得一槩支用新餉之

旨但查兵部別無錢糧近日臣部題奉

明旨援兵安家衣裝行糧俱於驛站節省銀內開銷
似當查照遵行毋再動黔餉者也至於工部銀
兩則有四司料價及分餉銀兩可用是當責成
該撫仰遵

明旨照數補還以示畫一之程以紓臣部之急者也
及查各處援兵無不食本土之餉行月不許在
部兼支已經臣部題奉

欽依通行申飭矣今該撫以解來月餉恐不卽到請
動黔餉銷算或與各援兵同成例支給此固惜
士之苦心但查各處援兵月餉從來未有支之
太倉者卽黔餉一項多年割去無當緩急之用
一旦歸還正須恢復之資而能爲該省援兵重
支月餉地耶況該撫疏稱崔建勲等所解存餘
之數其以備數月之糧固自克裕矣伏乞

勅下該撫援兵月餉於本省解給者卽於各軍額餉
銷算其安家衣裝行糧犒賞馬匹盔甲火藥器

械動吏臣部錢糧者各將本項照數抵還臣部
庶項欸各得分明開算不致混淆矣既經具題
前來相應覆

請恭候

命下臣部移文各該撫按遵奉施行

崇禎三年六月初四日具

題本月初七日奉

聖旨楚兵支過銀兩依議分派三部正餉着行該撫
照數補還該部知道欽此

覆浙閩催餉主事張士良羅應許事竣疏

題爲差竣回部遵

旨回奏事專理新餉山東清吏司案呈崇禎三年五月初十日奉本部送戶科抄出本部四川清吏司主事令陞本部陝西司郎中張士良奏前事等因本年五月初七日奉

聖旨奏內解過錢糧數目着該部詳加磨覈還查明年月是否盡係本官經催一并簡明確奏戶部知道欽此又該陝西清吏司主事羅應許奏同前事

等因本年五月初十日奉

聖旨這奏內催解期數是否如額有無影藉該部還
查覈具奏欽此欽遵通抄到部俱送到司相應查
覆案呈到部該臣等看得先因遼餉匱乏崇禎
二年三月內該臣部循例題差司官三員往催
南直浙江福建江西廣東等處逋欠并見徵新
舊額餉原限春季先完三分春夏三季共完六
分俱限七月初將六分催完預先馳報臣部仍
照近例自行回

奏以終催差之局等因題奉

欽依差催在案除南直差官崔應登病故外今該經
催浙江福建主事張士良經催江西廣東主事
羅應許各差滿回

奏前來臣等覆查張士良所催浙江省天啓六七
年崇禎元二年分未完加派新餉并催天啓六
七年崇禎元年分未完京邊錢糧共七十七萬
五千九百四十一兩零以十分爲率約算六分
共該完銀四十六萬五千五百餘兩所催福建

省崇禎二年分全未起解加 天啓六七年
崇禎元年分未完京邊錢糧并元年分運司未
完鹽課銀共一十五萬九千九百八十七兩零
以十分爲率約算六分共該完銀九萬五千九
百九十兩零今查福建省差官鄒鰲解二年分
加派銀二萬兩雜項鹽課銀四萬八千八百六
十一兩零於閏四月初十日到部又差官竺鵬
鳴解二年分加派銀六萬四千六百兩雜項舊
餉銀三萬八十餘兩於七月二十八日到部又

差官余懋組解二年分加派銀三萬六千二百
二兩雜派舊餉銀一萬二十兩零於八月十二
日到部又委官王用霖改差李尚亨解雜派舊
餉銀三萬九千四百九十八兩五錢於十月二
十五日到部內鄒鰲竺鶚鳴兩解官所解之銀
先時起解不係本官督催實係劄內原催之數
以上自去年七月算止共催完過銀二十四萬
九千二百六十餘兩又查浙江省據報崇禎二
年三月初一閏四月二十八六月初七七月二

十六等日差官秦以忠汪國軾章文教周儒等
共起解過二年分新餉銀一十八萬一千七百
七十六兩九錢三分七釐內查到部細數汪國
軾解五萬兩於八月初七日到部章文教解六
萬兩於九月二十八日到部周儒解七萬兩於
十二月初二日到部共解銀一十八萬兩其餘
銀一千七百七十六兩零至本年三月內搭解
差宜梅士程二萬兩之內俱已到部然亦本官
經催六分內之數也又解抽扣典舖優免等項

銀共三千七百兩又差官秦以忠章文教周備
共解過元年分新餉銀一十六萬四千三百五
十兩七錢八分軍屯抽扣等銀五千六百六十三
兩零又解天啓七年分軍屯等銀五百一兩零
六年分軍屯銀二百四十三兩四錢七分六釐
一毫俱係六八九等月陸續到部又買運遼米
銀六萬一千四百兩以上自去年七月算止共
催完過銀四十一萬七千六百三十五兩零此
張士良催過福建浙江新舊餉并鹽課之數也

是在福建則溢額者已十五萬在浙江則未溢額者近五萬以有餘補不足猶多銀十萬餘兩覆查羅應許所催江西省崇禎二年分全未完加派新餉并催天啓六七年崇禎元年分未完京邊錢糧共八十萬九千一百七兩零內查江西錢糧向係壓徵二年錢糧應在三年起解共實該催銀四十四萬八千七十一兩零以十分爲率約算六分共該完銀二十六萬七千二百四十餘兩所催廣東省崇禎元二年分未完未

解新餉銀并催崇禎元年未完京邊錢糧及天
啓七年崇禎元年未完未解鹽課銀共三十萬
八千九百三十四兩零以十分爲率約算六分
共該完銀一十八萬五千三百六十餘兩今查
江西省差官董嘉善解加派銀三萬二千兩於
二年三月初五日到部區目楊解加派銀六萬
兩於六月初三日到部程希堯解加派銀七萬
兩於十二月初二日到部又該省開銷買米銀
五萬四千七十八兩七錢零共完銀二十一萬

六千餘兩內查董嘉善區日揚所解銀兩雖非
本官所催然亦經催原數之銀也又差官江雲
鵬王國祚歐陽一貫共完解銀六萬三千四百
九十九兩零於三年二等月到部又催完天啓
七年分銀六千五百八十五兩零六年分銀一
百兩又催完舊餉銀一萬六千七百兩以上共
催完過銀三十萬二千九百六十二兩零又查
廣東省差官脫世勲解到元年分未完銀八千
四百四十五兩又二年分加派銀三萬兩於開

四月二十日到部田國祚解二年分加派銀一
十萬兩於六月初三日到部王道宗解二年分
加派銀一十萬一千一百七十八兩零於六月
十五日到部本年新餉俱已起解全完卽該省
之起解在前本官奉差在後亦經催額內之數
也其解完崇禎三年分加派新餉銀二十三萬
一千一百七十八兩六錢零俱已差官聞人瑋
湯執綱程元祚汪達起解全完又催完舊餉鹽
課銀并新增引餉共二萬七千八百六十三兩

有奇以上共催完過銀四十九萬八千六百
十四兩此難應許經催江西廣東新舊餉并
課之數也是在江西雖稍愆其期而踰額者已
三萬餘兩在廣東則踰額者已二十餘萬真不
啻倍之矣以上四省完過錢糧數目俱係該差
先期呈報臣部臣等覆加磨核通無影藉統而
計之除廣東於六分之額數相當而主事
張士良羅應許經催之責亦無負於任使者
若廣東省額催之數未及六月已完至十分而

三年分之新餉又能報完於二年之內則該省
之督臣王尊德按臣吳尚默藩司陸問禮拮据
急公真有大過人者破格旌異以風有位固
聖恩之所不靳而該差羅應許董率之勞似亦未可
泯也既各回

奏前來相應覆

請恭候

命下臣部遵照施行

崇禎三年六月初四日具

題本月初九日奉

聖旨據查張士良等催餉悉如期數知道了東粵餉
尤預完具見地方官勤公好義著與組敘該衙門
知道欽此

覆中州援兵動支銀項并欲留新餉疏

題爲恭報應援用過錢糧據實上

聞伏祈

聖覽下部開銷事專理新餉山東清吏司案呈崇禎
三年四月二十九日奉本部送戶科抄出河南
巡撫范景文題前事等因本年四月二十九日
奉

聖旨戶部知道欽此又該巡撫范景文題爲援兵分
統有人月餉未有定議懇乞

勅下戶部速行酌處以便支解以固兵心事本年五
月初一日奉

聖旨戶部知道欽此又該河南新撫臣郝土膏奏爲
遵

旨交代恭謝

天恩事等因本年五月初十日奉

聖旨郝土膏已經交代知道了奏內請畱解部錢糧
卽着戶部議覆該部知道欽此又該撫臣郝土膏
題爲移鎮奉有

明給兵食全無見在懇乞

聖鑒俯容畱用解部新餉以濟入援事奉

聖旨這軍資甲仗等銀不得槩用新餉前已有旨該撫何又陳請還着該部確議具奏欽此欽遵通抄到部通送到司案呈到部該臣等看得兵有額設餉有分欸額設者不便於更張分欸者豈容以濶用中州先後撫臣范景文郝土膏所爲相繼題

請者有三一則爲援兵之安家行糧其搜括不敷者

欲開銷於新餉之內此景文之疏也一則爲
兵之月糧業已召募有人而欲臣部另給月糧
不則欲畱雜項之五萬一千此景文土膏同有
此疏也一則謂移鎮磁州宜再設兵以備策應
欲照前撫之例仍畱新餉銀十七萬此土膏之
疏也請得臚列言之景文入援之官兵家丁共
計七千九百五十七員名用過錢糧一十六萬
六千四百九十三兩九錢七分九釐五毫內一
項自措處銀三萬八百七十七兩三錢四分此

非起解錢糧當與開銷一項捐助銀三萬五千兩此爲地方

藩府士民樂助錢糧當與開銷一項地畝新餉四萬九千五百三十二兩六錢三分此係新餉奉有

明旨不許槩用仍當還部一項崇禎三年屯糧加派優免抽扣銀五萬一千八十四兩景文疏稱此項向屬本省養兵近年兵額漸減乃歸戶部今中州復用兵矣自應借還一年土膏亦以爲言

臣查此卽遼餉之雜項也查中州雜項天啓初
年部派原額共一十九萬六千一百五十餘兩
崇禎元年自認止一十一萬三千六百有奇內
以七萬三千六百餘兩留爲該省養兵之用以
四萬并別項抵補銀一萬共五萬兩解部充餉
此元年自認之數也臣部因其認額太少駁令
再認至崇禎二年添認三萬餘兩內於該省養
兵項下撥銀一萬餘兩又別項抵補銀二萬餘
兩連前共認八萬七千零一兩五錢其畱該省

養兵者尚存銀六萬二千五百三十三兩一錢七分冊報在案今據文欲將三年分解部銀兩量畱一年以克兵餉而止云五萬一千有奇者果指元年所認之數乎抑指後來續增之數乎但該省雜項去年自認八萬七千餘兩臣部業已筭爲新餉出入額數不容割之以克別項恐難准其開銷者也至於援兵之月糧尤有可得而言者中州援兵當初調時原酌虛實緩急而爲之所奏飢言旋仍班故壘此應援之成例也

乃入衛未幾輒行募補其然豈其然乎察一撫
臣之意不過以其多餉多如所稱溢於原額
者力不能支故曲爲之詞耳料按臣爲桑土計
綢繆或偶試於衝要之地決無盡爲募補之理
且各省直之援兵多矣卽在衝邊要塞亦俱支
行糧於

京師而仍支坐糧於原營未聞有作缺補伍者
州內地乃反急急盡行募補此情理所不載也
無論臣部目前之餉無從措處卽此七千九百

之兵究將置之何地乎前河臣李若星有疏憐
臣部之匱乏欲令河南山東之兵行糧鹽菜盡
仰給於本省而且以身先之臣部覆奉

欽依在案今查中州之兵發至薊門者三千五百二
十員名成在昌平者二千三百餘名練之城外
者一千八百八十餘名俱支臣部之鹽菜固已
非初指矣及查中州各兵坐落諸府豈無額餉
兼以樸項新餉畱爲該省用者尚有六萬二千
五百餘兩此亦各兵額餉之需佐以措處無難

竣事而不必問月餉於臣部以開省直効尤之
端也至於撫臣郝士膏又欲畱新餉十七萬以
爲駐磁勤

王之用目今

聖武布昭奴孽喙息固不必再言勤

王卽令撫臣心懷忠義預戒不虞則中州之七千
九百餘人固居然在

都門也何必又爲募兵之舉而又預借必不可借
之錢糧哉蓋臣部正雜新餉止有此數於彼

用一分則於此缺少一分軍興未已供億尤煩
決難任情那移恣意開銷者也近日臣部具題
業奉

明旨安家衣裝行糧等項動支驛遞節省盔甲器械
動支工部料價又奉

明旨軍資甲仗等銀不許槩用新餉

天語煌煌諒省直撫按諸臣稔知

國計匱乏自當分投清筭設法抵補務俾正項錢
糧各無虧於原額而後可耳中州素稱重地撫

臣蒞任方新其鴻猷偉畧自能悉心

國計誼在相成無俟臣詞之贅矣既各題奏前奉
相應覆

請恭候

命下臣部移文該撫按遵奉施行

崇禎三年六月初五日具

題本月初八日奉

聖旨中州援兵事完自當歸伍何遂作缺募補別請
坐糧且所請襍項新餉五萬一千何與原認銀數

不合至移鎮磁州應否另募俱着該撫再行詳奏
援兵衣糧等費動支驛遞節省與工部料銀不得
槩用新餉着遵前旨行欽此

題報運發薊鎮本折并議委官召買疏

題爲饑軍需餉甚急懇乞

勅部速發以濟燃眉事專理新餉山東清吏司案呈
奉本部送准薊遼總督張鳳翼揭前事內開據
薊州管餉主事蔣範化呈稱薊門軍餉承平之
日每月不過四萬自虜患以來於前月間已增
至十萬矣本月初三四日蒙部發銀十萬兩意
謂足支五月之餉無奈積欠尚多署餉薊州道
賈克忠因兵紛紛告討支放殆盡及職任事所

餘者僅五千四百餘兩以致各軍擁署環討其
要挾之狀難見難聞等因據此看得逆奴被斬
而歸實慚且憤馬肥弓勁勢必重來千里長邊
防援正棘卽師稱宿飽猶恐零分之罷卒不能
當合併之強胡况當殘破總有金錢無從易買
伏乞

皇上軫念殘疆危於累卵亟

勅該部速發銀十萬兩米五萬石以救燃眉至於具
調班軍行糧塩菜所費更復不貲並乞早爲措

處庶邊臣無露肘之虞各軍有果腹之慶等因
除具題外投揭到部該臣等看得薊門大兵雲
集防守而本折之轉輸供億者日增日加而未
有底止也以折色言之自正月以至三月主兵
月餉客兵塩菜運運價召買等項漸至八萬五
千至四月內遂以十萬爲定額矣因有進勦之
旨五月初三日卽措發十萬兩謂五月之餉可以無
缺嗣是拮据關寧兵餉遵永

皇賞等項新庫如洗復於五月二十七日據餉司蔣

範化呈稱到任之日止餘銀五千餘兩因軍需甚急動支寄庫開兵月餉請發抵補并增銀數萬等情臣遂於六月初一日差委官曹愈新等解銀五萬兩初三日差官郝奎光等解銀五萬兩俟後陸續再發是十萬又非定額矣總計防援各兵數溢十萬行月買運等項所費不貲臣部惟有竭蹶措發而已以本色言之據陸運餉司主事姬文郁呈稱武清漕米近又運過一萬六千餘石但前三運小車九百輛運至薊州不

肯交卸責令運至遵化至今守候未回聞有棄
車逃者是以各役驚惶不肯應募轉運連日百
方勸諭稍稍招集前奉堂諭本職運至薊州餉
司轉運至遵而今竟不能行矣等情夫轉運惟
艱三十鍾而致一石自古記之陸運腳價倍於
水運運遵腳價又倍於運薊每石有費銀至七
八錢者况天有雨晴途有險夷千人所運未必
能供千人之用今督臣欲運米五萬石臣已移
會餉部天津繇水路運薊姬主事繇武清運薊

蘇薊運遵着令餉司僱覓頭畜車輛運至遵化
接濟可也且遵化不過斗大一城數萬之旅袖
手叢集人枵腹而馬懸槽日仰給於轉運卽盡
數萬齊至亦恐不能屬厭况勢不能耶邊邑殘
破之餘野無青草食物騰貴張順引領倍萬艱
難今日濟轉運之窮者惟有召買一法而已夫
趨利如鶩者小民之情也召買價值不照時估
誰肯嚮負而至然而責成不得其人仍叢奸而
滋弊查推官屈宜揚綽有幹濟材前臣部委以

運事矣今議臣部發銀二萬貯餉司庫責成本
官糧米草豆隨地召買務在兩平給發現價不
許商人包領召買開而販夫多亦招徠之一策
耳前三屯等處兵士見米價至二兩四錢一石
因不領本色而領折色亦宜聽從各兵之便以
少省腳價之一二未必無小補也又延綏寧夏
臨洮固原開寧等處兵馬先是分防薊州豐玉
等處今似不妨稍稍分布仍前就食近地聽候
調遣倘亦移民移粟之意乎其班軍塩菜臣部

另行設處解赴督工衙門委官隨工支給以資
軍士奔走之勞以防虧餉那借之用似亦計之
得者耳版築伊始浩費無算一切本色折色臣
部自分百計供應多方措處不敢辭難避勞惟
是督撫二臣各有兼理糧餉之職亦宜設法安
置相機調停毋令驕軍懦將乘機生心斯稱同
舟共濟之義若因斧斤旣缺此儗興懷乃借口
奔潰而卸過臣部臣心愈苦臣罪愈深矣伏候
命下臣部移文各該衙門一體遵奉施行

崇禎三年六月初五日具

題本月初十日奉

聖旨這援防兵馬額餉應以時給除運過本折外爾
部速與措發召買務期接濟班軍塩菜隨工支領
并宜早有成議勿致耽延該衙門知道欽此

題覆固餉未缺薊餉日增疏

題爲塘報事專理新餉山東清吏司案呈奉本部
送本月初五日蒙

御前發下紅本兵部尚書梁廷棟題前事等因奉

聖旨邇來運道無阻如何固原兵缺餉一月以致忍
饑離伍該部一面催給仍查遲悞緣繇及西鎮月
餉曾否扣解一併確核具奏欽此欽遵又准薊遼
總督兵部尚書張鳳翼揭爲酌換西兵以安重
鎮事等因到部送司案呈到部該臣等看得薊

州兵餉繇八萬五千而增至十萬先是大兵進
勦臣部遵奉

聖諭急發銀十萬兩於五月初二三日抵薊彼時餉
司未任而收放者乃道臣賈克忠也方謂此月
之餉庶幾無缺不虞數日頓盡而放過完欠之
數未報也及新任餉司蔣範化赴任旬日亦未
嘗以急告也逮二十七日始有文抵部請餉至
二十八日則以完欠冊報矣據稱到任之日不
接管餉銀五千餘兩因告討者紛紛名買腳價

十倍於昔其續到援兵應支糧餉借支臣部原
發貯庫關兵月餉并

皇賞銀共二萬九百一十兩九分五釐九毫四絲而
各營主客兵從前積欠者尚該入千九百餘兩
又名買草束本折運脚并月終數日內援兵行
糧約該二萬六七十兩是較之從前每月十萬
者又頓增五萬餘矣臣不得已卽於新舊二餉
通融那湊遂於本月初一日初三日共發銀十
萬兩星馳接濟間忽傳固原兵以無餉爲詞而

竟自潛逃矣遵奉

明旨責臣部確查具奏臣等不勝惶懼因該道五月
放餉文冊未報無從稽覈查該鎮楊麒前赴
分勦時應給行糧該道豈不先時給發或者以
代庖之官支放未審緩急理亦有之據該鎮
軍王相稟稱各丁口稱五月初三日關過鹽
行糧至今未見分毫等語夫分勦之旅支領
以月計今尚未滿一月乃云四十日無糧飲
度日實臣所未解也至於西鎮月餉則無說焉

援兵行月不准兼支此從來舊例也臣因總理
馬世龍統關兵二萬餘人於行糧外請給歷過
月糧銀一十四萬卽抵開寧之數又恐西兵之
在薊者止靠行糧或難果腹榮枯異視因而生
心亦暫與一二月因具疏上

請以昭我

皇上投醪之仁良以用兵之際姑通融一二月後不
爲例况查所發延綏寧夏等兵槩用此法酌萬
餘金抵充年例無不願領亦所謂偶一爲之曲

示鼓舞固非月月而盡扣解於薊也而何得
以爲口實乎又據餉司冊開固原叅將李鴻圖
五月十二日起至六月初二日止除支過本色
外實支糶米銀八兩乃塘報內則云五月二十
一日合防洪山口卽云糧餉不繼各軍流涕冊
開有支而彼云不繼是可爲固原官兵藉口者
之明証矣及查臣部自五月至今先後發過
州月餉二十萬奉

旨同兵部分發賞功六萬內臣部解銀四萬惟恐

悞不敢爭執至發祖帥銀一十二萬永平二萬
通昌五萬而團練東防之兵餉二萬餘兩不與
焉臣之供億援兵者庫無餘藏時無移畧自分
已竭盡心力矣不謂虜遁功成此輩敵愾之心
輕而室家之念重觀其情願回籍不願領

皇賞鹽菜又稱主將旣易在此何爲等語其急欲西
歸已情見乎詞諒難述

聖明所洞察者也夫按月而給照數而發已盡臣部
之職掌矣至於支給有日期給發有先後該道

餉司自有文冊可憑固原原領月餉銀三千
既有實收自應知會本鎮存案扣抵非予於庫
而奪於彼也伏乞

勅下總督查核五月餉銀有無遲悞并將新增兵馬
確數移會臣部以便先時措餉施行

崇禎三年六月初九日具

題本月十二日奉

聖旨據奏固原兵原未缺餉祇因思歸借口該鎮何又
那庫補給着督臣查明具奏并額餉驟增月糧

扣等項一一清覈曉諭不得含糊滋擾目今餉務
劇繁中外當事諸臣正宜實著心力共濟時艱煩
勿謫遲致厯朕應該衙門知道欽此

覆朱岡卿催解江右錢糧數目疏

題爲仰遵

欽限查照部文特報江西解過餉數以祈

聖鑒事專理新餉邊餉司案呈崇禎三年五月初三日奉本部送戶科抄出太僕寺卿朱大啓奏前事等因本年五月初三日奉

聖旨據朱大啓奏催解過江西糧銀二十四萬餘兩與科疏期限分數未合有無影借還着該部科查明來說欽此又該本官奏爲仰遵

明旨那解餉銀以奉

欽限以急軍興事又該本官奏爲欽奉

明旨不時舉劾以昭勸懲以重軍興事等因本年五月二十三日俱奉

聖旨該部知道欽此欽遵通抄到部通送到司隨該兩司備查新舊二餉起解已到未到數目分別明白相應具覆案呈到部該臣等會同戶科都給事中玄默看得江右錢糧習於積逋牢不可破其地方官之受叅罰者蓋不一而足矣今

餉寺臣朱大啓據所報催解者照三分數已有
二十四萬餘兩因奉

明旨責臣等以查覈臣等卽就先後之數而細按之
如解官江雲鵬共解銀七萬四百九十六兩零
於二月十六日到王國祚解銀二萬九千五百
四十二兩零於三月十四日到歐陽一貫解銀
八萬四千三百兩零至五月二十八日始到合
之共有一十八萬四千三百三十八兩有奇前
科臣查叅時只有江雲鵬王國祚二項到部故

數有參差耳而寺臣所云二十四萬者蓋并推
歐陽一貫所解之銀及買運遼米價銀五萬八
千九百九十五兩在內而言果爾則數亦不爽
也查江右皆係壓徵則前項二年買三年分遼
米銀兩并去年十一月內解官程希堯先解二
年分餉銀二萬四百兩又二年六等月內解官
區日揚等前後共解雜項銀四千四百五十八
兩零此三項者改壓徵爲現徵謂非該司之急
公不可但似應於十分全完之日通融銷算而

不得輒入於三分之一內者也又委官趙進等續解銀十萬兩雖報起程有日尚未到部周懋泉解工部分餉二萬兩雖亦係新餉之數然已各有分屬又未遽作臣部現在之數也然臣等又復於江右之雜項而竊有駭焉查江右原派雜項一十七萬八千一百兩零自天啓四年起至崇禎元年止有完一萬五千者有完幾至二萬者臣部嫌其與額派數大相徑庭責令二年自認回

奏蓋欲其多認故耳非至二年而始徵也續據自
認雜項六萬二千四百七十八兩三錢已經駁
回增認尚未回報今不惟不肯增認而反稱部
咨自二年始欲將元年一年徑從抹煞如抽扣
等項謬稱人已給領妄希寬貸之例過矣催餉
寺臣疏中亦極扼腕於此甚矣江右人情之積
玩也至於遼米腳價查

聖壽屆期冊中報動支加派銀七千五十三兩今疏
稱動支雜項銀七千五百三兩較原報又多開

四百五十兩而復有加派雜項之不一此又該
省吏書任意那移開報所當查究者也奴虜猖
狂普天同讎自當悉索敝賦以供

公家如高安縣所欠五千五百五十五兩向因時
屬清夷姑議停徵今值軍興旁午無肉堪剗而
固有之原派又豈能久停耶迺若該省左布政
司何應瑞臨江府清江縣知縣梁士濟袁州府
分宜縣知縣汪大魁廣信府上饒縣知縣翁竟
成永豐縣知縣王守智以上各官設法追徵權

宜湊解具見急公但額仍未全完紀錄似應
待合俟差滿之日題叙至如吉安府永新縣知
縣王世楠臨江府峽江縣知縣關用學撫州府
崇仁縣知縣牟穗以上各官新餉拖欠既多舊
餉追呼不應相應如寺臣議先行住俸戴罪齋
徵又瑞州府高安縣知縣陳從教二年遼餉雖
完而元年分毫未解已經督餉御史沈猶龍題
叅在案合聽臣部查例另覆以警怠緩既經累
奏前來相應覆

請恭候

命下臣部移文各該衙門遵奉施行

崇禎三年六月初八日具

題本月十一日奉

聖旨據奏江西解銀以壓徵輒抵催數工部分餉及
解未到部的遽作現在額銀至雜項認增不報運
價開支舛異這等都係有司希圖寬免吏書那移
滋弊沿習可更何濟急用着咨京催寺臣同該撫
按逐一核查償完不得徇延叅罰欠餉各官依議

行該衙門知道欽此

覆昌平侯督治兵馬錢糧疏

題爲酌陳昌平兵馬事宜仰祈

聖鑒勅部作速覆行以便料理事專理新餉山東清
吏司案呈崇禎三年五月二十日奉本部送戶
科抄出本部題前事等因五月十八日奉

聖旨新兵經費制宜畫一昌鎮何以獨優還確酌規
則具奏欽此欽遵抄出到部送司相應酌議具覆
案呈到部該臣等看得通昌募兵臣部原有成
議而復於昌鎮小變其說者祇以昌鎮東禦奴

西拒捕防護

陵寢鎖鑰

神京樞臣志切請纒念念以力戰爲事因與兵部
再四籌之餉稍優厚亦因地酌宜非得已也今

御批

皇上之威靈旣遠遁則事機亦稍異矣奉有

明旨着臣部確議具奏非特防後來之濫觴亦以昭

經制之畫一

聖謀淵深實臣愚所不能及也向者募兵秦晉安

自從優厚今仍用土著使無返顧則不用安家而止用衣裝樞臣自應從二兩之例所省固不貲矣通州月餉每兵一兩一錢給米一斛昌鎮步兵馬兵自當遵依無容再議至於標兵膂力伎藝倍於各兵其摧鋒陷陣悉賴以用命使其食餉而僅與別兵同也其何以鼓投石超距之氣乎查京營團練新兵上等有食一兩四錢米一斛者昌鎮標兵原議止於八百應當照例給與稍示優厚者也向以昌平地窄民貧食物騰

貴米豆草束名買之難倍於通州若全與折色其何能支况五千兵馬所用本色尚易措辦所當責成昌鎮餉司照數供億不足則及時名買者也草豆每年本折各六個月夏秋防各邊放青採青之例給於本色惟冬春之間給發本色折銀每日三分本色每日豆三升草一束若米糧價值頗高一歲所食將以三萬計除名買外或於該鎮漕米內通融一兩月亦無不可蓋昌軍米折舊規四十兩月照京軍例每米一石折

銀五錢若將新兵之折色改給昌軍再加二八
兩月每米一石折銀八錢人未有不樂從者便
可通融裒益無難矣相應題

請恭候

命下臣部移文昌鎮樞臣遵奉施行

崇禎三年六月初九日具

題本月十二日奉

聖旨是欽此

覆山西催餉練少卿事竣舉劾疏

題爲催餉已竣謹舉劾其完欠之尤者懇乞

聖斷以示勸懲事專理新餉山東清吏司案呈崇禎
三年五月二十七日奉本部送戶科抄出太僕
寺添註少卿練國事題前事等因五月二十四
日奉

聖旨據奏山西催解及額如期練國事着卽回京薦
劾多官黃圖昌等准與紀錄周炳靈等分別議處
其未完歲額該撫按官仍嚴行督催依限報完違

懷定行治罪該部知道欽此又該練國事題爲
限未滿餉已踰額謹總報續解之數以復

欽命事本年五月二十四日奉

聖旨該部知道欽此欽遵通抄到部通送到司先該
寺臣練國事題爲敬遵

欽限特報解過山西新餉數目以祈

聖鑒事等因三月初二日奉

聖旨練國事奏解山西餉銀知道了着該部嚴款查
收唐嗣美湯啓祥等准紀錄所叅縣官着住俸還

該開寫名來解運錢糧着驛遞星速應付前已有
旨再與飭行該部知道欽此欽遵除通行遵照外
相應并覆案呈到部該臣等看得三晉山險地
瘠差繁賦重民不聊生邇者三關之饑軍時譟
黃河之流寇難戢撫字不遑催科甚苦括全完
於一歲之中猶且難之今寺臣練國事啣

命而徃不四月間而於承催二十五萬八千餘兩之
外又多催七萬餘兩臣等竊見一時奉差諸臣
有屆期而尚未能如數者卽勉強如數而多係

借數抵額者今報先期全完若此雖晉民有唐氏之遺風其人多好義終事地方有司多憂國奉公乃能轉運如流不疾而速而寺臣鼓舞諭至如革火耗禁添搭其調停之妙權宜之法可謂不遺餘力經綸大業於此已見其緒矣且也撫賞二萬雖係加派之銀不在承催之內亦已催令起解該省捐助銀兩固係撫按率屬拮括而寺臣亦與有力焉此其處處催督件件拮括到真可謂能分

宵旰之憂者矣破例優擢以勸勞臣在

聖明夫豈有靳焉至若寺臣舉劾各官除先次所叙
布政使唐嗣美太原府知府湯啓祥陽曲縣知
縣宋權業奉准紀錄之

旨遵於三月十一日咨會吏部紀錄在案無容再叙
外其澤州知州黃圖昌沁州知州張守約忻州
知州王公選解州知州羅于垣榆次縣知縣張
任學汾陽縣知縣張毓泰洪洞縣知縣李喬崑
蘭城縣知縣傅永淳臨汾縣知縣周文斗曲沃

縣知縣張文光長治縣知縣傅鍾秀襄陵縣知
縣薛所蘊壽陽縣知縣毛文炳孝義縣知縣余
一鵬陽城縣知縣楊鎮原定襄縣知縣羅國華
安邑縣知縣曹麟趾太原縣知縣崔從教惇縣
知縣鄭獨復長子縣知縣孫熿高平縣知縣
應登太谷縣知縣栢福兆介休縣知縣何騰蛟
文水縣知縣陳所聞屯留縣知縣來臨徐溝縣
知縣程任武鄉縣知縣楊家鳳清源縣知縣
起龍以上各官皆於四月內全完加派新餉

襄

國用弘濟時艱均應紀錄以勸賢勞者也至於興
縣知縣周炳靈蒲縣知縣蘇萬邦太寧縣署印
州同梁作忠視

功令若弁髦等

國法於克耳催檄頻仍分毫不報相應降職二級
赴部另選以示懲戒者也其前叅繁峙五臺兩
縣奉有任俸還該開名之

旨今據寺臣回

奏繁峙縣知縣劉運開已獲爲按臣所劾五臺縣知縣胡天賜實大業已全完應從免議既經奏報前來相應覆

請恭候

命下臣部行文吏部應紀錄者卽與紀錄應降處者卽與降處庶勸懲不爽而人皆競勵其裨益國計良非渺小矣

崇禎三年六月初九日具

題本月十二日奉

聖旨練國事催餉溢額具見勤公准與紀錄優擢其
先後舉劾各官着行該部分別錄降用示勸懲有
內定字錯寫改正行該部知道欽此

覆總兵王威揭甘肅援兵錢糧疏

題爲恭報奉

旨督發援兵事專理新餉山東清吏司衆呈崇禎三年五月二十九日奉本部送戶科抄出提督各路援兵總兵官太子太傅右軍都督府左都督王威奏前事等因本年五月二十七日奉

聖旨王威挑率兵丁次第赴薊知道了行月鹽菜等項分別關支併撥給馬兵俱著該部酌議具奏欽此欽遵抄出到部送司具覆間續奉本部送准

總兵官王威揭爲照例請封錢糧以資戰守事
准甘肅總兵官今戴罪楊嘉謨揭帖據領兵將
領張弘業等呈稱據甘肅入援軍丁王成等連
名告稱成等奉調甘肅遠在天末萬里苦勞至
京米騰草貴盤用不敷懇乞轉達成等已入提
督王總鎮營內合練出防月支糧銀照例一兩
八錢食米四斗五升鹽菜銀九錢軫念各軍既
合一營一視同仁轉達收支感恩萬載據此着
得甘兵途遠奔防兼程急迫勞苦無極且與金

料草騰貴盤費甚難相應請會請乞貴鎮垂仁
轉達戶兵二部查照給發前項錢糧在京開支
庶各軍丁頂鼓腹之恩等因准此爲照其請援
兵六千里入衛其勞苦倍常今附本職東防值
剡門殘破之地若不給以優餉恐不免有枵腹
之虞也今各軍欲照本職京兵之例月餉鹽菜
行糧俱在京支領然行糧鹽菜例所應支無容
議者惟坐糧欲照例開支一二兩入錢其中應否
本職未敢定擬但念各軍遠在天末惟祈本部

加恩鼓舞耳等因到部送司相應一併具覆案
呈到部該臣等看得總兵王威所統防薊之兵
原係

都門團練之卒今新兵雖已東調月餉仍在京支
其山東宣大等處客兵鹽菜向亦在京關給合
調赴薊准團練總兵議亦聽照舊在京支領及
查赴防兵丁月餉鹽菜俱已各給兩月發至七
月終止共發過銀二萬五千五百一十八兩八
錢九分四釐似已儘足支用可無憂匱乏矣至

于甘肅撥兵以附入王帥營內亦欲比照團練
兵丁之例支餉一兩八錢則大可異焉夫各鎮
援兵之抵京赴薊者止給行糧鹽菜而月餉一
項仍於本處支領此題奉

欽依者也如部臣李成先等俱係西兵亦附王帥團
練莫不皆然豈以甘肅而獨冀厚給乎且查團
練標下奮武等營新兵五千餘人原係虜在城
下時召募上兵居三之一每名連米一兩八錢
中兵居三之二每名連米一兩五錢若支行糧

則除其米固未嘗通營常支一兩八錢也入衛
援兵爲數不貲一鎮開端他處飭尤其濫觴將
何底止乎恐盡新舊二餉之入不足以充薊門
援兵之用此萬萬不能者也近准甘撫梅之煥
公移原有彼中帶回京運銀一萬七千兩業奉
旨付領兵官帶赴薊州意欲分疏明白不致耗蠹若
非准作行糧卽當解回甘鎮極爲有見及查各
兵應得鹽菜臣部已經給發扣至七月終止所
存帶回銀兩似當照依彼處月糧則例每二三

月量支一次通融給散亦可以備乏絕而資騰
飽斷不得舍薄而從厚棄舊而圖新者也伏望
天語申飭該鎮領兵將官約束兵士務循成例請討
庶餉無虛糜而用可少舒矣恭候

命下臣部行文總鎮王威遵奉施行

崇禎三年六月初九日具

題本月十二日奉

聖旨支餉原有定額一鎮議增各鎮援例豈堪濫觴
這甘肅兵行月鹽菜等項照舊例行該撫携來餉

銀依議通融給散該衙門知道欽此

覆通鎮范督治轄餉司疏

題爲循例恭請

勅印以便速赴抵任事專理新餉山東清吏司案呈
崇禎三年六月初四日奉本部送戶科抄出督
治通鎮兵部左侍郎范景文題前事內稱據起
補通州監軍山東按察司僉事越其杰請給

勅書關防緣繇再照臣督練新軍所需糧餉先該臣
部議覆照各鎮見行事例合當取於通倉而餉
司不屬臣統轄便覺齟齬今戶部主事林弘衍

專管新餉伏乞

勅下一併議行庶臣之團練得以操縱自如矣等因

六月初一日奉

聖旨該部酌議具覆欽此欽遵抄出到部送司除
單越其杰

勅書關防該吏禮二部議覆外所有議轄餉司一節
相應議覆案呈到部該臣等看得通鎮特設撫
臣以資彈壓軍旅惟其操縱芻糧惟其支應控
關津而拱

都會實式賴之體統綦隆責任綦重矣倘日相干
涉者而漫無統馭之權何以專責成而明體統
哉此樞臣所以有統轄餉司之請也雖在主事
林弘衍頗修職業未必故爲齟齬以自取夫罪
戾而樞臣慮出萬全不得不預先申明誠爲有
見相應如議照各鎮督臣例以餉司林弘衍隸
樞臣所轄凡糧餉之動支遲速不妨酌量緩急
轉圜以從母鼓膠柱之瑟致掣樞臣之肘毋蹈
溺職之愆重負

朝廷之使可也既經具題前來相應覆

請恭候

命下臣部移文通鎮樞臣并剗空運餉司遵奉施行

崇禎三年六月十五日具

題本月十九日奉

聖旨是欽此

覆固鎮援兵鹽菜月餉規則疏

題爲固兵鹽菜未便議加謹量酌優恤恭候

聖裁事專理新餉山東清吏司案呈崇禎三年六月
十四日奉本部送准兵部咨職方清吏司案呈
據陝西固鎮援兵周全等告爲病軍滿管苦累
難堪死在旦夕懇乞允放生還以蘇衆命事內
稱自奴犯薊門晉天調援各鎮兵馬彼地俱給
安家五七兩不等全等秦地缺餉歲荒止催起
程安家未給毫釐各役至此蒙發薊州雖設行

糧緣米珠草桂盤費難周本鎮無奈盡將固額食坐糧截解行營賠墊糊口目前計活本身其所遺父母妻子在籍何賴必知束手待斃喪溝壑之中先因奴氛未蕩萬姓不敢控訴此仰仗

皇威神算一戰皆恢掃蕩羶羶黎庶樂業伏乞俯察羣情開天地之心早賜明示允放回鎮外禦秦醜虜內續父母之命忠孝兩全恩施再造緣因到部送司查得援兵懷土非厚楮無以奉

歸心况羣呼庚癸而欲其枵腹枕戈尤必不得
之數也今西兵藉口缺餉紛紛告歸相應移會
戶部再加鹽菜稍示優厚以慰謖謖案呈到部
爲此合咨戶部照來文內事理卽將固鎮援兵
照例加給鹽菜以果其腹使勿以乏糧爲口實
等因准此送司案呈到部該臣等看得士卒從
戎敵愾戮力行間古有靡室靡家而不遑起居
者豈其以我征曰歸輒加餉勉留義不顧身之
謂何然此亦士卒自奮耳

國家固有

浩蕩之恩如古之采薇出車恤其私而體其隱俾無
內顧之憂所謂以人道使人也查固鎮家丁月
餉止七錢伍軍大月五錢小月四錢以視關
厚薄懸殊而又間關五千餘里自去冬至今關
歷三時饑寒勞勩之苦父母廬舍之念有如周
全等所控告樞臣所咨會者臣讀未終牘思欲
裹糧往資以慰此征人而扼腕未敢也謹案錄
兩屢奉

明旨酌於一致一旦而偏優畸厚卽曰用挽去志恐
徇尤者接踵矣如擬槩爲加添則尤苦無額設
目今招募築防頒犒行賞浩費不貲皆時刻弗
容緩者臣等正慮無措其又何能辦此也臣等
再四籌度合行該鎮將入援官軍彼處月糧照
舊關支以贍其家所有此中塩菜食米儘可供
一人之用計振旅不遠粟薪在望卽我戍亦可
跂足以待者是在該將領撫摩而董勵之耳查
固鎮官軍前駐薊門曾支過月餉三千原擬扣

抵彼中月餉今日前宜姑置勿扣徐俟本兵與
營陸續扣除以示優恤可也總之賦入有定額
而軍興無紀極臣非敢有所靳不得不如此耳
抑臣因有請焉關寧兵馬前在薊永量給月餉
亦謂軍興倥偬道路阻隔難拘嘗格稍爲變通
耳今虜退而道通矣其關門之兵今在灤永等
處者與總理之兵今在遵陽等處者所食塩菜
在薊在永固應支於該鎮而所設月餉仍宜各
隸關寧餉司蓋當留處長駐之時而爲出納清

楚之計法必如是而始式於畫一也伏惟

聖明統賜鑒裁施行臣等可任悚息待

命之至

崇禎三年六月二十一日具

題本月二十四日奉

聖旨固兵鹽菜何得獨增其關支彼處月糧緩除透
額俱依擬以示優恤各兵月餉爾部還通行酌便
畫一支給毋致繁擾欽此

覆鳳陽衛所屯糧責成該府催解疏

題爲錢糧之解額在衛部催之欠數在府查未據
報泐難久稽仰祈

勅部清查專責撫按嚴究弊端以清解運事專理新
餉山東清吏司案呈崇禎三年五月二十八日
奉本部送戶科抄出通政司添註右叅議沈應
時題前事等因五月二十五日奉

聖旨據奏鳳陽欠餉府衛互推顯有欺隱情弊着該
部研覈明確具奏以後事關錢糧須註明專屬衙

門以便責成該部知道欽此欽遵抄出到部送司
相應覈覆案呈到部該臣等看得自來部文原
無徑行衛所在各省則行文於布政司在直隸
則行文於該府一切應徵錢糧俱代爲轉行
催此舊例也鳳陽府屬衛所屯糧每石加新餉
銀八分內

皇陵一衛每石止加四分在襍項新餉項下者崇禎
元二年間原准江北撫臣開入鳳陽府屬自
冊內昨臣部題差通政司右叅議沈應時守備

鳳陽府未完元二兩年新舊餉銀五萬零九千
七兩又三年分預徵五分該銀一萬六千五百
五兩內將所屬屯糧遼餉銀元二兩年共該二
萬三千一十九兩三錢二分零并預徵屯糧銀
五千七百七十九兩八錢三分零一併開入該
府欠數之內者因衛所總隸該府例不得不藉
該府督催正所以明專屬而便責成耳若直隸
衛所不行於府則各省衛所亦不行於布政司
耶今差臣銜

命通判飛檄催解該府以行司衛在司備各力
宜卽之卽應凜凜奉行而乃置若罔聞漫無因
報豈其擅徵解之權擅侵漁之私而故泄泄從
事耶良可怪也案查先據該府

奏繳冊開畱守司所屬十七衛所內除歸德衛
潁上汝寧二所屯糧畱充河南省兵餉外餘計
四衛所內屬畱守司自徵自解者則鳳陽洪澤
等九衛所歲該屯餉銀共四千三百五十三兩
六錢零也而該衛自徵自解者則壽州衛一

四百五十八兩二錢零泗州衛五百四十四兩
一錢一分宿州衛一千四百八兩九錢六分潁
川衛二千一百五十兩四錢此外又有武平衛
歲該屯餉銀一千六百四十四兩二錢一分因
屯田坐落河南睢州柘城鹿邑太康四州縣境
內隔省不便催徵申准兩省院道坐委白龍王
廟捕盜通判督催四州縣并該衛徵解此十四
衛所歲額屯餉一萬一千五百五十九兩有奇
之細數也及查畱守司自天啓五年爲始至今

年止共解過元年以前屯糧銀九千九百七十六兩零皆係歷年補解而二三兩年分銀兩則全未解也武平衛自天啓元年爲始至六年止共解過六千六百九兩零亦係歷年類解而元年分并元二三年則全未解也至於壽州泗州宿州潁川四衛則從來並無解有分毫也蓋創項新餉雖派徵已久而積猾武弁多未肯奉行竟以額派之屯糧徒克食人之私橐耳今在四衛則駕言自徵自解以巧爲躲閃之計在該

亦因屯糧難完而故爲相外之詞不然何今春
畱守司所解天啓元年分屯糧一千二百兩又
附入該府搭解也爲今之計非托重於撫按責
成於該府不可蓋衛所雖隸於畱守而錢糧不
可以顙托合無

勅令撫按徹底清查根究除從前積欠已經蠲免者
例不再追外自崇禎元年爲始屬畱守司經徵
者仍責該司徵解屬該衛自行徵解者仍責該
衛徵解通限三個月如數全完俱解該府轉解

到部卽情願自解者亦令赴府倒文起批掛
如有欺隱情弊指名報部坐贓叅處嗣今以後
凡十四衛所應徵一萬一千五百有奇之屯糧
俱照前例永遠遵行仍令該府查核督催庶錢
糧有所稽查不致任意拖欠此亦清楚屯糧之
一法也至於管屯掌印官以屯糧之完欠爲本
官之殿最宜照近日餉臣沈猶龍稟項考成疏
議每年於有司歲叅之外另疏舉核其完欠亦
須繇司府開報而不必以逋欠累及司府庶

弁知所勸懲而遼餉收實際之益矣其與今日
臣部并開屯糧欠數於府屬者事固相成而非
相悖者也既經具題前來相應覆

請恭候

命 部移文該撫按并該道府及承催通政司一
體遵奉施行

崇禎三年六月二十二日具

題本月二十七日奉

聖旨這鳳陽府屬衛所管屯掌印等官舉劾考成實

係何衙門職掌還查明另奏欽此

覆代罔寺措發賞功銀四萬兩疏

題爲急措功賞以鼓士氣事專理新餉山東清吏
司案呈崇禎三年六月十四日奉本部送戶科
抄出兵部題前事等因本年六月十二日奉

聖旨功賞允宜急備該部那奏罔銀六萬兩尚不敷
用着戶部酌議措補俟查勘到日卽與均頒前發
銀十萬兩併闕廟首功曾否給賞着各行樞督臣
核數冊奏勿令延緩虛糜該衙門知道欽此欽遵
咨會到部送司相應具覆案呈到部該臣等看

得兵非餉無以養其銳而兵非賞無以鼓其勇
月餉行糧措於臣部原不敢諉之於人賞功犒
師隸於樞部發自罔寺於臣部原無干與者也
頃者將士用命校虜象息論功行賞以昭我

皇上大賚之仁命臣兩部分發六萬兩而臣部出四
萬者非果臣部之處其有餘也正以我武繼揚
朝氣方新激勵鼓舞在此一舉臣何敢固執以
爭然而臣部措處亦已竭力卽樞臣亦知非臣
部應出之物矣今據樞臣奏

請賞功銀兩除固寺那湊六萬外其餘仍令臣部措
給豈臣部真不涸之源凡有不足皆可於此取
給乎而非然也竇有專屬且無論事之應出與
否心竊自忖但先問力之能與不能臣部窘迫
之苦危急之狀卽連篇累牘不能罄萬一姑約
畧陳之自軍興以來除給發額餉外一切城守
援兵行糧鹽菜安家衣裝新兵月餉廢將廩餼
買價運價等項約用過新舊餉銀一百五十餘
萬此果積之左藏乎抑撥之外儲乎不過就經

制額餉之內蠶食而瓜分之耳近日賴

皇上之威靈外解頗輸將絡繹關寧之餉亦陸續措
發然而算至六月終止所欠尚該七十餘萬近
日樞輔咨索先整發五十萬以清前欠而臣部
束手莫應矣以薊州言之軍興浩費繇八萬而
增至十萬五六兩月頓增十萬是每月又以十
五萬爲率索討難緩時刻今尚未能取盈矣至
如班軍之脩築開薊之召買天津水陸之運價
見今增請者不與焉額內之徵輸有限分外之

疾呼無窮數日來新餉隨到隨發隨發隨盡卽
太倉銀項先經題明各自支銷不必通融者近
復借用至十萬八千餘兩未能補還前項情節
非臣敢爲飾說皆五日

奏報新舊二餉

御覽冊內班班可考者卽舊餉每次存貯內有輕齎
漕折留充轉漕折米之用其餘僅十餘萬而九
邊之缺餉奉

旨給發如山西延綏甘肅等處其應發年例不啻數

倍也一發且立盡矣臣愚一片苦心備極調攝
不過那緩就急扯西補東姑留太倉之儲以救
關薊之急於萬一今若不量入以爲出漫然合
已而耘人其於濟賞功之急則得矣倘外解已
斷束手無策關薊有庚癸之呼臣之肉其足食
乎夫援兵多用一分則正額短少一分矣若賞
功那用一分則兵餉又裁損一分矣臣部無神
運鬼輸之策其何能爲挹此注彼之圖誠輾轉
踟躕而悉索莫措者夫以

朝廷之金錢供

朝廷之賞賚豈容過爲分別臣雖至愚亦熟知之而無如各有司存力不從心何也賞功

鉅典再四籌度只得於新舊二餉內各那借銀二萬共四萬兩聽樞臣解發軍前亦庶幾明相成之誼矣其餘仍令罔寺自行措辦各存職掌無相凌奪萬一

皇上憐罔寺之匱乏或別有

沛發別有措置此又出自

唐裁而非臣部所敢擅

請者也事關賞功急需相應覆

請恭候

命下臣部移文各該衙門遵奉施行

崇禎三年六月十七日具

題本月十九日奉

聖旨這奏措發賞功銀數知道了其餘該部既給軍
興不能復借罔寺可否足給着兵部酌議奏來
此

覆太僕寺牧地變價徵租疏

題爲牧地不宜輕棄

祖制未可擅更借動久當付還職掌必須開會仰祈

明旨嚴切申明以重馬政事專理新餉山東清吏司

案呈崇禎三年六月初六日奉本部送戶科抄

出太僕寺卿魏光緒題前事本年六月初二日

奉

聖旨草場地畝變價徵租金不關會同寺殊非政體
已往不論此後籽粒銀兩應令割還着部寺議明

其奏前借餉銀俟軍興稍裕酌量抵補該部知
欽此欽遵抄出到部送司相應具覆奏呈到
該臣等看得南直應天太平鎮江廬鳳淮揚
府滁徐和三州草場地六十萬頃其變價充
也因馬已改折場地無用起於天啓元年科
周希令之議而臣部前任尚書李汝華復同
部九卿并臺省諸臣諮議僉同而始題行惟
太僕寺卿丁懋遜少卿杜士全等列名書題
以封疆起見實非臣部所擅主也初謂取利

奢及題委七府推官查勘又請撫按并南太僕寺會勘於額數內除開荒拋荒塘溝不堪耕種地畝外止報變過價銀共定一十七萬七千餘兩又止解到一十二萬七千七百五十七兩六錢五分天啓六年因

大工肇興該南臺臣張繼孟題爲嚴查馬場議變地價等事奉

熹宗皇帝聖旨着戶部差官勘議具奏欽此該臣部前任尚書李起元題議地價已變似難再議止

查本部原任員外郎李桂芳前去查催共收
價銀一萬七千一百一十三兩七錢零以佐
大工之用尚有未完銀三萬二千一百二十八兩零
奇至今未完以歷年之租銀言之據岡寺疏開
每年額該九千六百四十餘兩查天啓三年臣
部前任署印左侍郎陳大道據徐州知州汪心
淵呈文題

請各照地畝肥瘠定糧高下一體徵收以克新餉嗣
是未據各府呈報徵糧則例計亦不得儉於

粒厚額之內及查本年收銀三千四十三兩八錢零天啓四年收銀三千五百九十兩八錢零天啓五年收銀三千一十五兩一錢零天啓六年收銀三千三百三十四兩六錢零天啓七年收銀四千六百一兩六錢零崇禎元年收銀五千五百三十四兩七錢零崇禎二年收銀二千五百八十五兩六錢零崇禎三年收銀一十二兩五錢零以上共收過租銀二萬五千七百一十八兩七錢內爲臣部收用者一萬九千一百

七十三兩五錢五分天啓六七兩年爲李桂芳
所催歸工部收用者六千五百四十五兩零若
其逋欠而未解者則尚該五萬一千三百六十
餘兩也惟是此一草場也原係罔寺之所有忽
爲臣部之所習業經臣部之所得復爲工部之
所取倏而克餉倏而助工在內旣無專屬在外
自易支吾無惑乎逋欠者漸積而不可問也從
前罔臣因念同舟之誼不妨分其所有臣部在
今又何敢固執已見久假而不歸乎因與罔臣

面議約以崇禎四年爲始歸還罔寺取租徵稅
以充正供馬價之用三年以前未完變價銀兩
自應盡法追納其節年未完租銀當遵

恩詔蠲免其天啓七年以前者而嚴追其崇禎元年
以後者其蠲免年分有已徵在官者不得欺隱
仍容臣部移文江南江北各該撫按備行道府
逐一查追先將各府州縣逋欠細數限三月內
查明

奏報通限年終追徵全完解部充餉如遲卽將承

催州縣各官照京邊錢糧例從重叅處以懲
年玩愒之習若夫臣部以遼事動用罔寺錢糧
委屬不貲今罔寺一旦取償而不問其難辦
不能無慨焉夫以

朝廷之金錢備

朝廷之封疆那緩就急以有餘補不足是償之而無
容償者也從前加派歲入至四百萬而罔寺
青之借且如取諸官中而不憚煩逮至今日
餉分四十萬加派蠲免幾五十萬工部分

十萬兵部安家等項且取給焉乃京糧之補未
幾而問寺之索繼之臣部今日極難極苦猶如
貧兒日食不爰方且坐以待斃而索債者猶責
以從前逋欠俾令代他人贖償恐亦萬萬不能
者也

明旨謂借餉俟軍興稍裕酌量抵補固已明見萬里
之外矣至於邯鄲曲周五縣草場原係臣部崇
禎元年題奉

欽依轉行屯田御史羅元賓撥給

樂安長公主養贍莊田該租銀九百七十兩總以公家之田而爲

公家之用况查嘉靖年間曾以薊州牧馬草場之地二千五百九十五頃八十二畝撥給

嘉善公主至萬曆年間撥給

諸王公主與各戚者非一則屯臣之改撥亦非無據者矣

皇恩已有成案王土難分畛域似亦不必再令吐還所當仍照舊案起解者也既經具題前來相應

覆

詩恭候

命下臣部移文兵部四寺遵奉施行

崇禎三年六月十八日具

題本月二十一日奉

聖旨據奏草場變價原係部寺會題知道了租銀竟
無定額歷年何不核查天啓七年以前逋欠准遵
恩詔蠲免有已徵在官及元二三年未完租銀并
向來未完價銀俱着移文撫按嚴限解部克餉四

年以後着歸該寺徵租其邯鄲等縣草場既奉
撥給戚產不必吐還至該部舊借寺銀從容酌補
遵前旨行該衙門知道欽此

題查薊餉節曠抵充正額疏

題爲薊門餉額日增臣部措處日難懇乞

聖明申飭稽覈之汰以杜濫觴以重

國計事專理新餉山東清吏司案呈案查先奉本部送據薊鎮糧儲主事蔣範化呈爲饑兵需餉甚亟等事內稱奉本部劄付仰職卽將先後解到銀十萬兩照數查收以爲六月分兵餉之用卽出實收報部查考仍行造冊呈報清筭等因奉此除該本職遵將發到餉銀驗收給散間查

得有一兵卽有一餉而兵益增則餉益匱此何待職之再贅也惟是所發餉銀雖以十萬計而五月之那借應還與未支應補者皆刻不容緩自應挨次補給已約計五萬兩矣則所充六月之餉不僅餘五萬兩乎而較之五月應需之餉不又更缺十萬兩乎然此猶就五月分相提並論耳乃今六月未及旬日而班兵則有山東左右德州等營援兵則又有奮武定武團練等十營凡此皆係新增者也夫以六月未終之兵馬

已較增於五月而仍欲以五月未敷之部發求
充足於六月不待詞之畢而知其必不繼矣是
五月之欠方補給未終而見月之餉又迫索無
已見今離信逃歸鼓譟切奪在在見告豈可不
爲之寒心哉計惟有力懇本部再發銀十萬兩
一以補五月已還之欠一以充六月見支之餉
則收拾將渙之兵心永奠初復之疆圉斷在此
舉矣抑本職更有請焉邇來新舊營路見本色
艱難多有願支折色者除米豆尚可支吾而草

東苦無買補折之殊覺兩便然庫無多銀又
能復與以折色乎倘部發稍裕而就中本折通
融則費中之省更有在焉是又併望於本部之
酌發者也等因到部迭司除五六月餉銀奉
堂批陸續俱照數發足外但須造冊清算方便
稽覈相應題

請申飭案呈到部該臣等看得量入爲出經

國之常出浮於入司計之憂查薊門月餉從前無
論卽今歲二三月間每月止用銀八萬五千

四五月增至十萬臣已不勝捉襟露肘之慮矣
不謂五六兩月復欲增加十萬是兩月之餉額
又以十五萬爲準矣除五月先發十萬外臣部
復於五月二十八日劄發新餉銀五萬兩六月
初一日劄發新餉銀二萬五千兩舊餉銀二萬
五千兩十一日劄發新餉銀二萬兩十四日劄
發銅錢二萬兩十五日劄發新餉銀二萬兩十
九日劄發新餉銀三萬兩舊餉銀一萬兩連前
共發過五六兩月銀三十萬兩而班軍鹽菜之

二萬召買之二萬不與焉夫以援兵疊至運價日繁增之不爲無據臣恐兵士藉口爲譁爲汙業已如數奏發矣目今計口授食而不使之缺按期給散而不使之緩固司餉事也司餉責也但給餉之先必錄本管攢造冊領移送兵道查覈轉送督撫掛號而後投於餉司查給似不虛有虛冒惟是薊門兵餉浩繁頭緒絲棼在舊額則有主兵客兵之分在新增則有援兵募兵之殊或支月餉或支行糧或有行月兼支加以饌

運芻粒地里有遠近不同腳價有多寡或異若不互相稽覈節節清查則江河之大難實漏卮矣合乞

天語申飭督撫鎮道務要倍加查覈如有逃亡事故卽便逐一開報不得徒以掛號塞責其各營後月領餉日期仍照前月領餉日期而又以掛號冊到先後爲餉司放銀先後不許愆期亦勿凌節卽有緩急差池總計不得踰越三日之內違者查究餉司每於出月五日卽將上月支放過

各營兵馬本折錢糧數目及支放日期備造清
明流水清冊送部以便逐款磨對如有重支冒
破等弊臣部卽行查駁叅究臣部給發下月之
餉卽以冊報上月之數爲據每遇季終仍造季
報文冊備將逐月支放數目并還官節曠等銀
算扣明白以抵本部應發之數如此則貪弁不
得侵潤其橐橐役不能上下其手而驕兵悍卒
亦不得藉口給餉稽遲而妄生囂許其於

國計軍儲兩有裨矣恭候

命下臣部行文各該衙門遵奉施行

崇禎三年六月二十三日具

題本月二十六日奉

聖旨勦餉驟增倍宜查核着該督撫鎮道會同餉司
嚴稽虛冒扣有節曠抵充正額無徒以掛號塞責
仍按月按季清冊報部以憑磨勘如有重支冒破
等弊該部卽行駁叅經管官一體論罪欽此

覆閩省催餉帥少卿舉劾疏

題爲仰遵

欽限恭報到差起解餉銀之數以明匪懈事專理新
餉山東清吏司案呈崇禎三年六月初四日奉
本部送戶科抄出太僕寺添註少卿帥衆題前
事等因五月二十九日奉

聖旨這報閩解銀數并勤怠各官着該部覈議具奏
驛遞護送解銀已有明旨如何玩視羈延各該撫
按通行查飭欽此又該福建巡撫熊文燦題爲虜

惠方殷匱乏無措請乞

亟勅差官守催以濟軍需事等因六月初九日奉
聖旨這奏解過餉銀并完欠有司都着該部查議具
覆欽此欽遵抄出到部通送到司除錢糧屬二部
者聽該部查覈外所有新舊餉銀舉劾有司相
應具覆案呈到部該臣等看得寺臣帥衆原催
閩省元二兩年未完并三年預徵五分共該新
舊餉銀二十四萬七千三十六兩有奇以十分
爲準先完三分該銀七萬四千一百一十兩八

錢此到差十日內所限之期數也今按差催寺
臣與該省撫臣疏報解過餉數而詳覈之如解
官通判孫鴻翔所解二萬一百五十九兩八錢
零內舊餉六百三十四兩四錢塹課一萬五千
兩雜項四十五百二十五兩四錢八分俱於本
年二月十八日到部訖通判陳萃恭所解六萬
兩內加派銀三萬六千兩雜項銀二萬四千兩
於五月二十日到部訖此二項者起解在寺臣
未奉差之先雖非本官督催之力實係承催欠

數之內者也至於通判儲元基所解之八萬三千八百六十餘兩查起解在四月初九日迄今已七十餘日尚未到部八閩距京六千餘里道途迢遞雖非刻期可到如至四月以外卽當重加罰治以警後至之罪者也其寺臣撫臣所舉左布政使吳賜苦心而餉軍

國百計以紓閭閻福寧州知州秦垌浦城縣知縣劉君金閩縣知縣吳南瀨海澄縣知縣余應桂轉餉獨先急公可念惟是解官濡滯錢糧未到

雖應紀錄尚宜有待所當姑俟通完併覆者也
所劾安溪縣知縣許自表二年之雜餉僅七百
一十餘兩使其念切封疆何難那移措解乃未
完至九分以上有臣若此亦何濟於緩急之數
哉本當照加派叅罰之例降革重懲姑念閩省
向無多逋雜項立法伊始相應住俸戴罪督徵
以觀後效庶懲一警百而雜項遼餉不至有名
無實矣既經寺臣撫臣各題前來相應覆

請恭候

命下臣部移文該撫按并寺臣及吏部遵奉施行

崇禎三年六月二十四日具

題本月二十七日奉

聖旨起解銀兩必以部收爲準儲元基解銀未到如
限查催許自表本當重處姑准住俸戴罪督徵所
舉吳暘等俟通完併覆欽此

覆遶工犒賞塩糧規則疏

題爲恭報防禦官兵金酌定臺牆工價仰抒

聖慮事專理新餉山東清吏司案呈崇禎三年六月
十一日奉本部送准兵部咨職方清吏司案呈
該兵部覆薊遼總督張鳳翼題前事內覆稱班
軍齊集可得三萬人合之主客官軍當不下七
萬餘人其本色之所需每日每人以升五合計
之必日運一千石方可足用而東西兩協猶未
與焉此必須戶部早爲設處速爲接濟始無枵

腹之虞而至於各班軍之鹽菜當此米珠薪桂之時尤當亟爲均給者也等因六月初八日奉聖旨據奏防兵分布各口樓臺給價修葺城垣催軍供役具見悉飭邊工所需糧餉頗稱繁劇卽着戶部設法僨運支領如期不得少有耽延該部知道欽此欽遵移咨到部送司又奉本部送據薊州餉司蔣範化呈該總督張鳳翼批喜峯路叅將王定呈爲懇恩預發餉銀收買備兵米豆接濟軍需事蒙批薊州餉司查議措發該本職查得

邊餉之設原以預儲平色路提之兵丁班軍之
修築一切行糧皆取給焉是以屯糧不敷繼以
召買每年有舊餉召買一萬卽於年例軍餉內
通融發給額例已久迨東氛難作天啓二三年
間在在設兵防守需用本色甚夥每季另文呈
請新餉銀二萬發鎮召買崇禎元年前撫志在
節省改爲官折邊商停準本色無備乃今何時
也荷戈戍守版築繁興莫若各倉仍多備本色
早爲整頓雖有他虞恃可通融接濟而本色旣

不可已則召商庸可已乎召商既不可已又豈
獨喜峯一路而已乎伏乞本部軫念本色在所
必需亟宜乘時蚤備俯將備用本色照舊題復
就近召商分投買辦庶不致臨用張皇而可省
運送之煩腳價之費又其後者矣至若侵漁所
慮要自有釐剔之法在亦何所容其奸狡而必
欲改本爲折恐因噎廢食終非計之得耳等因
呈詳到部送司相應併議具覆案呈到部該臣
等看得奴賊蹂躪內地撤我邊防幾無華夷之

界矣今我不能必其不來而貴有以拒其來則
整飭修葺正此時綢繆之至計也聞邊牆之拆
壞者已五六十里城堡墩屋之焚毀者至百十
座工程浩大爲費不貲此非僅僅苟且補苴可
以完局而塞責明甚學考先年修理薊遼邊牆
一切經費之制時遠事湮戶兵兩部已無可稽
查矣據近日薊門三年小修則例其工犒銀兩
戶七兵三兵部分出自同寺戶部七出自
太倉此從來舊例也查在京班軍每人每月該

本折米四斗折塩五分小賞二錢名爲犒賞
糧而未始有塩菜也卽各邊修葺工犒等項多
係折色亦未見有本色關支也惟關寧修工每
日支銀二分支米一升五合自天啓七年又增
五釐是每月一人卽支七錢五分矣惟近日通
州修城比照關寧則例爲數太浮臣部亦屢駁
之至於薊門較寧錦固屬腹裏而較通昌又爲
窮邊當此百廢俱興食物騰貴况

明旨責成甚嚴匪破格通融又何以鼓子來之義而

收不日之成乎每班軍一名工犒鹽糧等項若
照開寧之例則每日該銀二分五釐日給米一
升五合計班軍三萬每日工犒鹽糧共應支銀
七百五十兩以三月計之共約銀六萬七千五
百兩既有成例臣部太倉與兵部問寺自當分
任接濟不得互相推諉臣部昨准兵部咨文卽
解發二萬兩至於防守各兵四萬有奇應支鹽
菜向有本等則例無容再議者也但恐班軍不
循開寧之規而自比防兵之例則前項銀米又

似存乎見少者應否加增豐嗇得宜仍須督撫
再一從長酌議具奏

定奪耳又據督臣稱班軍約以三萬各口防守兵約
以四萬有奇日用本色約千石此千石者日日
必用刻刻難緩卽神運鬼輸亦不能卽輦之各
鎮各堡也雖臣部具題着今天津運米五萬石
水陸并運然漕糧有限又烏能供此蠶食乎昨
已發銀二萬責成餉司轉委推官屈宜揚召買
又慮萬一遲候軍需則臣部之罪大矣是必責

成本官往來薊遵之間隨地隨時酌量貴賤損
機召買或照時價收買而不用商人或選殷實
商人而防其侵沒應用價銀俱赴餉司支用其
附近各邊倉原有倉廩亦便盛貯秋收在邇米
價漸平查復昔年新舊二餉召買之例仍照昔
年各邊倉召買糧料定數設法召買以備秋防
務以先時預備爲主徵貴徵賤小民嘗情倘商
賈之湊集自軍興之無匱萬一辰下本色有時
不給又須量給折色仍諭將領等官召集市井

小民多開食店負販餅餌於附近邊堡地方易買則饑餒可供而版築可興亦便計也既經查呈前來相應覆

請恭候

命下臣部移文各該督撫衙門逐一從長酌議修舉施行

崇禎三年六月二十二日具

題本月二十三日奉

聖旨班軍工犒照關寧則例或量行優給着督撫酌

議必得軍沾實惠以鼓子來版築防守兵興七萬
亟需本色尤宜預備轉運既苦難繼召買是否易
辦選用殷商招集市販還積成餉司同地方官作
速計處毋得但憑文移致臨期缺乏責有所歸欽
此

覆薊州餉司何朝宗經手錢糧數目疏

題爲欽奉

聖旨事新舊兩餉司案呈崇禎三年六月初九日奉
本部送戶科抄出本部題前事等因本年六月初六日奉

聖旨何朝宗任內經手錢糧既有部發數目并該鎮
收放細撒季報文冊即可覈數按贓何得借名行
查以滋延諉該部便據實詳勘具奏欽此欽遵抄
出到部送司案查先該錦衣衛掌衛事左軍都

督府右都督劉僑題前事奉

聖旨據招何朝宗扣剋餉料銀兩及巧行稱允輕出
重入着戶部卽將該犯經手給放數目按冊通查
來看欽此欽遵除一面行文薊州糧儲查造清冊
一面先將部發餉數先呈

御覽仍催令薊州糧儲蔣範化備將何朝宗經手錢
糧速行造報去後今據蔣範化呈送何朝宗經
手錢糧數目文冊前來相應具題案呈到部該
臣等看得邊餉錢糧律重侵剋蓋爲簞篋不饒

者示懲也餉司何朝宗當

國計多事之日值軍旅旁午之時輒敢恣意營私
巧爲侵尅罪何容追頃奉

明旨着查經手錢糧以爲科贓之據若不行查的數
而漫以潦草塞責則臣之罪大矣是以不敢憑
臆以對今據餉司冊報自崇禎二年八月初八
日何朝宗到任起至三年四月十六日被逮之
日止共收過新餉銀四十一萬六千一百四兩
四錢六分八釐又開寧兵餉銀九萬三千一百

七十兩又舊餉京民二運銀一十九萬七千
百六十三兩三錢七分三釐四毫八絲七微
纖一沙四塵九渺共放過新兵月餉援兵鹽菜
等銀三十一萬二千九百九兩一錢六分七毫
一絲六忽四微舊兵月餉等銀二十一萬八千
三百七十六兩一錢一分二釐三毫三絲三忽
五微關寧兵月餉銀九萬三千一百三十六兩
一錢八分四釐七絲二忽名買草價銀二萬九
千九百七十八兩八錢二分五釐名買米豆等

銀一萬九千一百六十八兩五錢四分六釐轉
運糧料腳價銀一萬二千九百四十九兩八錢
二分八釐通共放過新舊餉銀六十八萬六千
五百一十八兩六錢五分六釐一毫二絲一忽
九微除放過外尚存剩銀二萬六百一十九兩
一錢八分五釐三毫六絲五忽三微一纖四塵
九渺計筭放數多於臣部前報之數蓋因薊鎮
原有民運并還官等銀之故也其新餉之發多
而放少舊餉之發少而放多則因該餉司之通

融借給而總皆本犯經手支放之數耳此外
收兵部劄發

皇賞銀一萬二千六百一十三兩五錢內本犯經放
過四千八百二十八兩五錢又津門遼豆價銀
八千一百九十兩一分一釐六絲二忽六微至
於侵尅軍餉名買腳價等項每兩扣尅若干臣
部難以懸斷必須法司讞鞫本犯供吐據其經
手之放數叅合衛審之原供方免展轉之奸可
定賊罪之案耳謹將支放數目恭摺

睿覽伏乞

勅下法司將何朝宗再行詳勘追贓究罪庶食墨知儆而法紀昭明矣

崇禎三年六月二十二日具

題本月二十七日奉

聖旨何朝宗支放錢糧數目既經查明着送法司照原招口供和剋銀數依律擬罪追贓具奏該衙門知道欽此

覆陳兵科條議措餉疏

題爲

聖武布昭名城克復正宜乘時修備以張撻伐以保
久安長治事專理新餉山東清吏司案呈崇禎
三年五月二十三日奉本部送戶科抄出兵科
給事中陳獻策題前事等因本年五月二十二
日奉

聖旨克城功次委宜查核分別所奏餘備固圉儲糈
繕兵及選擇守令俱屬急著該科職關兵務便著

悉心諮稽有違玩的卽行叅來時艱未諡諸臣各
宜急公以後若有逞臆角擾罔上行私的定寘重
典决不姑貸該部知道欽此欽遵抄出到部送司
除事屬吏兵二部者聽該部議覆外措餉一節
相應議覆案呈到部該臣等看得軍興旁午經
費不貲入孔有限出孔無窮在臣部如已涸之
泉不能供四應之汲取在邊鎮如已漏之卮每
浸淫而莫可究詰雖日夜圖維終無補濟縱令
星補苴終歸匱竭臣業已心血俱枯而束手無

措矣不謂科臣憐知臣部匱乏之狀而乃借著
以籌也臣安敢無說而處於此夫此軍興數百
萬之需皆出尋常經制之外將取償加派乎

皇上軫念民窮而加派之外不可復加派矣將取償
事例乎半爲工部之所得而半歸之舊餉矣卽
臣前條議搜括一疏奉有

俞旨者惟捐助優免二款是尚可以補緝一二而無
肯力行者以捐助言之各省直如蘇松河南陝
西等省多以援兵自行開銷有助之名無助之

實而其他尚杳乎未報也復查天啓四年總
多事奉

旨搜括捐助總計各省直得一百七十五萬比時定
內物力尚饒固非今比惟是急公好義人有同
心厚積素封何地蔑有安見今之遂不如昔也
自撫按以逮有司自鄉紳以逮士民激以大義
動以名高夫豈無起而響應者是在撫按有司
加之意耳今後各省直有仍自行開銷而不解
者章奏在科不准註銷而臣部亦不敢依阿題

覆惟有聽其自行回

奏而已鄉紳之捐優免也查在

朝在籍者不啻如林胡各省直之報優免者尚寥
寥也此其間有異悞有司假借以媚鄉紳實未
嘗輸納於官者或有聽里胥之舞文恣宦僕之
影射間有徵解不過錙銖者試以州縣優免大
數詰之輒藉口於鄉紳少而生員多今生員之
優免者又已奉文盡捐矣

朝廷非忍薄待乎學較而青衿實難自後於官民全

督責令省直優免不論鄉紳生儒徹底查算有
照人丁優免者有照糧徭優免者地方不同難
為畫一各照徵派則例并優免數目近者限半
月遠者限一月布政司行各州縣彙開報部以
便稽查其優免銀隨加派銀按期解部仍令撫
按嚴加查核如有司徵收在官匿不以報者坐
贓擬罪如士紳強橫而敢於不納者有司指名
申報撫按提學院道從重叅處此實清楚優免
而補緝軍餉之一法也至於雜項新餉原以補

正項新餉之不足向來原未叅罰人亦悉爲通
負必當如近日督餉御史沈猶龍之議一體查
叅而後可望其輸納及格耳夫民亦勞止迄可
小康臣部極思與民休息以彰

聖天子惠養元元之

德意無奈軍興孔棘無米何炊

國事多艱收焚難緩則任怨任勞亦臣部之所不
敢辭耳伏乞

勅下臣部將捐助優免樵項等事移文省直各該撫

按衙門一體遵奉施行

崇禎三年六月二十七日具

題七月初一日奉

聖旨這捐助優免襍項等銀多有輸納在官任意那
用不盡起解者好生可恨爾部便行該撫按嚴查
督催有司違玩叅來重治欽此

覆勦密軍丁停支塩菜疏

題爲兵丁行月不宜兼支乞

賜亟行申飭并懲奸胥驕軍以肅法紀事專理新餉
山東清吏司案呈崇禎三年六月初五日奉本
部送戶科抄出勦遼總督張鳳翼奏前事等因
本年六月初二日奉

聖旨該部酌議具奏欽此又該順天巡撫許如蘭奏
同前事奉

聖旨已有旨了該部知道欽此欽遵通抄到部送司

案查先該本部題前事本年四月十四日奉
聖旨餉司書役已有旨了各兵應否無支行糧該條
撫還確議具奏欽此欽遵咨行督撫議奏去後今
各回

奏前來相應具覆案呈到部該臣等看得兵有主
客之分餉有行月之別主兵之不支行糧猶客
兵之不支月餉其例一也第健丁在客而募
薊城道丁主薊而出防馬蘭以爲主而似乎非
主以爲客而似乎非客各丁之垂涎行糧而

覬覦者夫亦見客而不見主耳督撫道臣相機
應變曲爲調劑斟酌於兩可之間不得不從權
兼給以慰軍心而鼓敵愾然實不可據之爲餉
也且事平卽止原有成議今奴氛已息卽應住
支毋得籍口俟開遵餉尚爾坐糜

公帑也道丁雖守馬蘭第今烽火無警非復枕戈
環申之苦折衝禦侮之艱在勤在防相去不遠
且道丁月餉較之營兵已爲優厚破格已索行
糧似應議停以昭畫一之規以存樽節之道可

也既各回

奏前來相應覆

請恭候

命下臣部移文督撫道臣一體遵奉施行

崇禎三年六月二十七日具

題七月初一日奉

聖旨各兵行月例不兼支這薊密軍丁依議停給行
糧卽行與該督撫知欽此

題催南部歸還事例克餉疏

題爲薊遼軍餉萬分匱絀南部事例奉

旨歸還懇乞

亟勅速解以濟急需以保危疆事專理新餉山東清
吏司案呈案查天啓元年因遼餉不敷該本部
題

准南部開東征事例每年定銀十萬兩解克遼餉天
啓四年雖留爲南部錢廠鑄本然亦解克遼餉
天啓五年題解進京天啓六七兩年又該本部

題買銅鉛仍克北局鑄本惟崇禎元年南部
詞請留本部覆奉

欽依暫准借留一年不謂二年仍復不還至今年二
月內虜警餉繁奉

旨著部科會議措餉事宜該本部題

請將南部事例自今歲始卽行解還復奉

欽依臣部已經通行南部遵照在案今時入仲夏並
無前銀絲毫解部及查京薊關寧密昌通津等
處每月約用折色餉銀五六十萬除加派雜項

外惟恃南戶部事例十萬兩若或措愆不還則
薊遼軍餉將何抵補萬一變起脫巾誰任其咎
相應題催速解等因案呈到部該臣等看得南
戶部東征事例原爲遼事而設先是南部借用
不過允其一年而止原題甚明迺年復一年視
同固有其於薊遼軍餉真如秦人視越人之肥
瘠亦可慨矣今何時哉天下之安危關薊遼薊
遼之安危在軍餉額外之出旣日增月長額內
之入又久假不歸則臣部之計窮矣查南部楚

糧十三萬石向以黔事留用而南部卽剖臣部
事例以抵之今楚糧已還南庾則事例復歸臣
部自無容再計矣南計臣鄭三俊曉暢事機急
公之誼不減於臣奉

旨之銀諒無復吝第恐承管司官猶復遲緩那用是
以不得不徼

天語之叮嚀以成蒞遼之解澤也查萬曆末年及天
啓初年南都戶兵工三部皆有搜括以助遼事
今以臣部所本有者顧可靳不與乎浙直江廣

富饒之區向來多就南部輸納亦頗不貲亟宜
乘時起解用濟眉急具縉紳隨任子弟舊有量
減之例今當

國計匱乏北部業已一槩不准南北原無岐致所
當一體奉行不得復言寬減違者臣部駁回不
准其銀定於七月內將上半年納過軍餉事例
先行解部其下半年事例於年終解完仍令該
司官造冊

奏繳臣部仍將南部轉咨之文逐項磨對以防遺

漏作弊庶事例得克實用而匱餉危疆兩有攸
濟矣抑有說焉事例之銀不比田賦其徵取原
從寬政則解納亦宜曲體合俟解部之日令以
原較法馬兌準印封解部卽用原法稱兌以免
補平賠墊之苦以免掛欠不結之局似亦不得
不預爲申明者也恭候

命下臣部行文南京戶部遵奉施行

崇禎三年六月二十八日具

題七月初二日奉

聖旨軍興繁劇南部事例銀兩解還克用已奉明旨
何得遲延着卽依限完解緡紳子弟援納近例不
准量減照北部一體行欽此

題議運發修築班軍本色并設專官料理疏
題爲亟請飛運本色以濟燃眉以課速效事專理
新餉山東清吏司案呈崇禎三年六月二十六
日奉本部送恭蒙

御前發下查督邊工監察御史張茂梧題前事等因
奉

聖旨班軍月餉不繼安能并工修築着作速措解還
宜設法預貯彼處方可如期關支所請專官管押
并與酌覆該部知道欽此欽遵蒙發到部送司案

呈到部該臣等看得邊防重務也修築大事也
於炎暑酷日之中爲胼手胝足之勞未有懸盆
待炊而望其爲不日之成者故工犒銀兩以供
班軍鹽菜所需甚急臣都於六月初五日發新
舊餉銀各一萬兩付兵部差官蔡應舉解赴督
撫衙門方謂此時已給各軍而臺臣之言似猶
未至者誠不知何以遲滯也本色糧米邊倉原
無預備除陸運主事姬文郁運過武清漕米約
三萬石不知見存薊者若干臣近具題水運漕

米五萬石責令津門星速運薊接濟且薊鎮有
年例邊糧二萬五十石近亦陸續至江黃口矣
又恐本色未能一時奏手以召買佐轉輸之不
及已於六月初十日發銀二萬兩解付薊州餉
司責成推官屈宜揚召買矣臣憂心如焚恨不
能分身四應轉慮文移往來動經時日亦無礙
於延遲臣於六月二十五日又差原任遊擊孫
應龍往江黃口僱運漕米近據薊州餉司呈詳
水運仍可抵冀家窩以省腳價亦在允行又差

委官王有功至各邊堡修築處所查驗解到本色米豆有無若干取文回報但漕米繇薊而運各邊堡地非一處糧非些須恐薊州餉司難盡照管又劄委陸運餉司姬文郁帶領車夫往薊協濟轉運而臣所惴惴者猶懼轉輸有限待哺無窮又恐臂指不相爲應臣心雖急而所委者未能以臣之急爲急也況此工程急如星火臺臣所云另遣風力司官押督併管一應支放錢糧者似爲得之查得本部湖廣司主事包鳳起

才具敏練意氣激昂足堪任使今議委令專管
邊工本折錢糧駐劄遵化請給

欽降關防凡班軍之工犒聽其收發本折之盈虛聽
其催償多方調劑加意稽查或協同薊州餉司
陸運餉司而多僱車畜以轉輸或督同推官屈
宜揚而設法召買以供億總期修防軍士在在
充足俾無乏絕已耳是在督工御史隨便商確
薊州餉司事事接應毋以膜外相看期於同舟
共濟統俟修築告竣之日一體勞叙者也既經

具題前來相應覆

請恭候

命下臣部移文各該衙門遵奉施行

崇禎三年六月二十九日具

題七月初一日奉

聖旨據奏邊工月餉水陸兼備并委官協運知道了
包鳳起依議在遵化專管押放一應事宜還與督
工內臣御史商酌行欽此